



“ТАСДИҚЛАЙМАН”
Тошкент шаҳар статистика
бошқармаси бошлиғи в.б.
Л. Мирсоатов

2022 йил “11” май

Ўзбекистон Республикаси Президентининг “Конституция ва қонун устуворлигини таъминлаш, бу борада жамоатчилик назоратини кучайтириш ҳамда жамиятда ҳуқуқий маданиятни юксалтириш бўйича қўшимча чора-тадбирлар тўғрисида” 2019 йил 13 декабрдаги ПҚ-4551-сон қарори ижросини таъминлаш юзасидан Тошкент шаҳар статистика бошқармасининг йиғилиш баёни

2022 йил “11” май

Тошкент шаҳри

Қатнашдилар:

Тошкент шаҳар статистика бошқармаси
ходимлари (*руйхат бўйича 45 та*)

Кун тартиби:

Жамият ва шахс...!

(Л. Мирсоатов, М. Усмонов, Ш. Каримова, М. Исмоилхўжаева ва бошқалар)

Йиғилишни бошқарма бошлиғи в.б. Л. Мирсоатов очиб бериб, “Жамият ва шахс...!” мавзусида ўтказилётган тадбирнинг мазмун-моҳияти ва аҳамияти ҳақида бошқарма ва ҳудудий статистика бўлимлари ходимларига қисқача тушунчалар бериб ўтди.

Шундан сўнг, бошқарманинг бош юристконсулти М. Усмонов сўзга чиқиб, иштирокчиларга Ўзбекистон Республикаси Конституциясининг “Жамият ва шахс...!” бобига оид мавзусида маъруза қилди.

Бозор муносабатларини ривожлантиришга қаратилган Ўзбекистон иқтисодиётининг негизини хилма-хил шакллардаги мулк ташкил этади. Давлат истеъмолчиларнинг ҳуқуқи устунлигини ҳисобга олиб, иқтисодий фаолият, тадбиркорлик ва меҳнат қилиш эркинлигини, барча мулк шаклларининг тенг ҳуқуқлилигини ва ҳуқуқий жиҳатдан баб-баравар муҳофаза этилишини кафолатлайди.

Хусусий мулк бошқа мулк шакллари каби дахлсиз ва давлат ҳимоясидадир. Мулкдор фақат қонунда назарда тутилган ҳолларда ва тартибдагина мулкидан маҳрум этилиши мумкин.

Мулкдор мулкига ўз хоҳишича эгалик қилади, ундан фойдаланади ва уни тасарруф этади. Мулкдан фойдаланиш экологик муҳитга зарар етказмаслиги, фуқаролар, юридик шахслар ва давлатнинг ҳуқуқларини ҳамда қонун билан қўриқланадиган манфаатларини бузмаслиги шарт.

Ер, ер ости бойликлари, сув, ўсимлик ва ҳайвонот дунёси ҳамда бошқа табиий захиралар умуммиллий бойликдир, улардан оқилона фойдаланиш зарур ва улар давлат муҳофазасидадир.

Ўзбекистон Республикасида қонунда белгиланган тартибда рўйхатдан ўтказилган касаба уюшмалари, сиёсий партиялар, олимларнинг жамиятлари, хотин-қизлар, фахрийлар ва ёшлар ташкилотлари, ижодий уюшмалар, оммавий ҳаракатлар ва фуқароларнинг бошқа уюшмалари жамоат бирлашмалари сифатида эътироф этилади.

Конституциявий тузумни зўрлик билан ўзгартиришни мақсад қилиб қўювчи, республиканинг суверенитети, яхлитлиги ва хавфсизлигига, фуқароларнинг конституциявий ҳуқуқ ва эркинликларига қарши чиқувчи, урушни, ижтимоий, миллий, ирқий ва диний адоватни тарғиб қилувчи, халқнинг соғлиги ва маънавиятига тажовуз қилувчи, шунингдек ҳарбийлаштирилган бирлашмаларнинг, миллий ва диний руҳдаги сиёсий партияларнинг ҳамда жамоат бирлашмаларининг тузилиши ва фаолияти тақиқланади. Махфий жамиятлар ва уюшмалар тузиш тақиқланади.

Давлат жамоат бирлашмаларининг ҳуқуқлари ва қонуний манфаатларига риоя этилишини таъминлайди, уларга ижтимоий ҳаётда иштирок этиш учун тенг ҳуқуқий имкониятлар яратиб беради.

Давлат органлари ва мансабдор шахсларнинг жамоат бирлашмалари фаолиятига аралашшига, шунингдек жамоат бирлашмаларининг давлат органлари ва мансабдор шахслар фаолиятига аралашшига йўл қўйилмайди.

Касаба уюшмалари ходимларнинг ижтимоий-иқтисодий ҳуқуқларини ва манфаатларини ифода этадилар ва ҳимоя қиладилар. Касаба ташкилотларига аъзо бўлиш ихтиёрийдир.

Сиёсий партиялар турли табақа ва гуруҳларнинг сиёсий иродасини ифодалайдилар ва ўзларининг демократик йўл билан сайлаб қўйилган вакиллари орқали давлат ҳокимиятини тузишда иштирок этадилар. Сиёсий партиялар ўз фаолиятларини молиявий таъминланиш манбалари ҳақида Олий Мажлисга ёки у вакил қилган органга белгиланган тартибда ошкора ҳисоботлар бериб турадилар.

Диний ташкилотлар ва бирлашмалар давлатдан ажратилган ҳамда қонун олдида тенгдирлар. Давлат диний бирлашмаларнинг фаолиятига аралашмайди.

Жамоат бирлашмаларини тарқатиб юбориш, улар фаолиятини тақиқлаб ёки чеклаб қўйиш фақат суд қарори асосидагина амалга оширилади.

Оила жамиятнинг асосий бўғинидир ҳамда жамият ва давлат муҳофазасида бўлиш ҳуқуқига эга. Никоҳ томонларнинг ихтиёрий розилиги ва тенг ҳуқуқчилигига асосланади. Ота-оналар ўз фарзандларини вояга етгунларига қадар боқиш ва тарбиялашга мажбурдирлар.

Давлат ва жамият етим болаларни ва ота-оналарининг васийлигидан маҳрум бўлган болаларни боқиш, тарбиялаш ва ўқитишни таъминлайди, болаларга бағишланган хайрия фаолиятларни рағбатлантиради.

Фарзандлар ота-оналарнинг насл-насабидан ва фуқаролик ҳолатидан қатъи назар, қонун олдида тенгдирлар. Оналик ва болалик давлат томонидан

муҳофаза қилинади. Вояга етган, меҳнатга лаёқатли фарзандлар ўз оналари ҳақида ғамхўрлик қилишга мажбурдирлар.


Оммавий ахборот воситалари эркиндир ва қонунга мувофиқ ишлайди. Улар ахборотнинг тўғрилиги учун белгиланган тартибда жавобгардирлар. Цензурага йўл қўйилмайди.

Семинарда иштирок этган бошқарманинг тармоқ ва ҳудудий статистика бўлимлари ходимлари ўзларини қизиқтирган саволлар билан маърузачига мурожаат қилиб, мавзулардан келиб чиққан ҳолда саволлар беришди ва уларга қониқарли даражада жавоб олишди.

Кун тартибидаги масала юзасидан бошқарма ва ҳудудий статистика бўлимлари ходимлари ўз фикр мулоҳазаларини билдириб ўтишди.

Хулоса: маърузачи ва машғулотлари иштирочиларининг фикр-мулоҳазалари, уларнинг талаб ва таклифларидан келиб чиққан ҳолда Конституциянинг Тошкент шаҳар статистика бошқармаси ва унинг ҳудудий бўлимларидаги ходимларининг ҳуқуқий маданияти ва ҳуқуқий саводхонлигини ошириш, уларга Конституциянинг мазмун ва аҳамиятини доимий етказиб бориш; Тошкент шаҳар статистика бошқармаси ва унинг тизимига кирадиган ҳудудий бўлимлар ходимларининг ҳуқуқий билимларини ошириш тадбирларини тизимли ва мунтазам равишда ташкил этиш ва бу тўғрисида таклифлар киритиш, ушбу тадбирларни ўтказиш ҳамда уларда Тошкент шаҳар статистика бошқармаси ва унинг ҳудудий бўлимларини тўлиқ таркибда иштирок этишини таъминлаш; Конституцияни кенг ва оммавий тарғиб қилиш ишларини амалга ошириш; Конституциянинг мазмун ва аҳамияти тўғрисида маълумотлар киритиш, ходимларининг мурожаатлари бўйича уларга ушбу қонунлар билан янада яқиндан танишиб чиқишлари учун уларни нусхаларини топишга кўмаклашиш ва уларга шарт-шароитларни яратиб бериш, зарур ҳолларда уларнинг қоидалари бўйича тушунтиришлар бериш лозим деб ҳисобланди.

Йиғилиш котиби:



М. Исмоилхўжаева